



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

VIII. Libri Decretalium nihil immutarunt quod depositionem Episcoporum.  
Innocentius III. pronuntiavit ad solum Pontificem Romanum jure divino  
pertinere depositiones, cessiones, & translationes ...

**urn:nbn:de:hbz:466:1-15617**

## & Imperij Lib. VII. Cap. XXVI. 371

*tes, per aures circumstantis populi diffundite, & Sansonem ipsum, de quo vos mihi scripsistis, qui beati Petri consilium & nostrum expectis, in loco illius depositi secundum Deum subrogate.*

V I. Compilatores decretorum, Ivo nimurum, & Gratianus, non omiserunt in suis collectionibus excerpta ex epistolis veterum Pontificum Romanorum quæ extant in collectione Isidori. Eas enim canonicas esse declaraverat Nicolaus primus, ac propterea jus illud jam introductum erat & in usum revocatum ea tempestate quod judicia canonica Episcoporum. Vivebat Ivo anno millesimo nonagesimo. Is autem frequenter utitur decretis Zephyrini, Fabiani, Sixti, Stephani, Felicis, & aliorum. Gratianus vero Decretum suum adornavit circa annum millesimum centesimum quadragesimum, quod in auctoritatem dein receptum est, & primam partem facit operis quod vulgo *Ius Canonicum* appellatur. Is ergo adducit etiam decreta Zephyrini, Sixti, Damasi, Eleutheri, Iulij, & Leonis, Locorum autem ex iis à Gratiano adductorum summa hæc est, posse Episcopum accusari apud Metropolitanum & Episcopos comprovinciales, qui litis instructionem peragere possunt usque ad sententiam definitivam, reūmque suspendere & excommunicare possunt, sed tamen depositionem decernere non possunt absque auctoritate sedis apostolicae. Licere interim Episcopis appellare à synodo provinciae ad apostolicam sedem. In Papa verò arbitrio positum ut aut ipse cognitionem suscipiat, aut per Vicarios suos causam judicari præcipiat: *Qui aut per se, aut per Vicarios suos, retractare negorium procreet;* ut ait Papa Sixtus in c. *Accusatus.*

V II. Secundum autem jus illud necessarium non est ut synodus provincialis, quæ examinare debet accusationem in Episcopum, congregeretur ex speciali delegatione Summi Pontificis; tametsi eam necesse tam imponere videatur epistola Iulij. *Nullus Episcopus,* inquit, nisi in legitima synodo & suo tempore auctoritate apostolica convocata super quibusdam criminationibus pulsatus audiatur. Nam auctoritas illa alia non est quam auctoritas generalis apostolica sedis; quæ & synodos haberi præcepit, & earum auctoritatem confirmavit. Trahi autem non potest ad delegationem specialem quæ necessaria sit ad hoc ut Concilium provinciale cognoscere possit de accusatione adversus Episcopum instituta; cum ea auctoritas synodo provinciali competat ex jure communi, etiam juxta ipsa Sixti, Damasi, & Eleutheri decreta, quæ à Gratiano referuntur 3. q. 6.

Tom. II.

Ivo par. 5. Decreti  
c. 145. & seqq.

Gratian. 3. q. 6.  
c. ultra. & seqq.  
§ 1. q. 4.

Gratian. c. Nullus  
§. q. 4.

Interpretatio illa decretorum quæ significare videntur necessariam esse speciali Summi Pontificis delegationem ad congregandam synodum provincialem pro examinanda accusatione adversus Episcopum instituta, prodita est ab Hincmaro ante hos septingentos annos in capite vigesimo Opusculi l. v. Capitulorum. *In eisdem epistolis scriptum est,* inquit, *non debere vel posse convocari synodum sine iussione vel consensu Romani Pontificis.* Addit, canones tamen Nicænos, Chalcedonenses, & Antiochenos, itemque Romanos Pontifices Innocentium, Leonem, & Gelasium, docere synodos congregari posse absque auctoritate sedis apostolicae. Tum ait: *Non igitur absque sedis apostolicae auctoritate Metropolitanus Episcopi & Primates provinciarum synodos convocamus.*

Hanc interpretationem in scholas nostras invexit etiam Glossator Decreti, qui locum illum Iulij cepit de auctoritate generali sedis apostolicae. Nam in verbo *auctoritate addit generali.* Et statim: *Audiri enim potest causa Episcopi; sed non potest terminari sine speciali mandato apostolice sedis; licet absolvit possit.* Tamen hoc non credo. id est, Non credit synodus provinciae posse congregari absque speciali mandato sedis apostolicae. Sed hæc ultima clausula, Nota est Bernardi Glossatoris, qui dissentit à Ioanne, & ipso Glossatore, quoad auctoritatem synodi in impertienda absolutione. Ignorunt quippe non fuit Glossatoribus illis fuisse illud tempus cum causa Episcoporum non referrentur ad apostolicam sedem. quod collegabant, tum ex canone Antiocheno, tum etiam ex quadam Nicolai epistola, quæ extant in Decreto Gratiani.

VIII. Libri verò Decretalium nihil prorsus immutarunt quoad ordinem judiciorum adversus Episcopos faciendorum, nec quoad eorum depositionem. Solum ille emerit effatum Innocentij III. Papæ, quem audacem Iurisperitum vocat Matthæus Parisius: qui depositiones, cessiones, & translationes Episcoporum ad solum Pontificem Romanum jure divino pertinere pronuntiavit. Adeo enim metuebat ne synodi provinciales sua jura repeterent, ut subsidium audaciae à meru petens inauditam ante hoc seculum & à veterum moribus alienam sententiam protulerit; cui præterea stabilienda multum opera posuit, argumento utens à posteris prorsus abjecto. Ait enim res spirituales facilius institui quam dissolvi, cum tamen humanæ facilis dilabuntur quam adficari aut formari possint, unde patet vinculum spirituale carnali for-

A A a ij

tius esse. Cùm autem Deus sibi reservaverit dissolutionem conjugij carnalis inter hominem & feminam, planum esse eum sibi reservasse etiam dissolutionem conjugij spiritualis quod intercedit inter Episcopum & Ecclesiam. Vnde concludit solum Pontificem Romanum, qui est Vicarius Iesu Christi, posse decernere translationes & depositiones Episcorum, idque auctoritate divina. Sed argumentum illud nimis probat. Nam hinc potius sequeretur nullo casu Papam posse dissolvire conjugium spirituale, cùm ipse, quamvis Christi Vicarius, nullo casu possit dissolvere vinculum conjugij carnalis. Melius dicam, argumentum illud nihil concludit: quoniam unio Episcopi & Ecclesiae, conjugium tantum est per metaphoram, & ideo, si summo jure agamus, comparari non potest cum vero conjugio. Certum quidem est Athanasium & alios veteres ordinationem sive intitulationem Episcopi in quapiam Ecclesia comparasse cum conjugio; sed id ab iis scriptum est per translationem, ut ostenderent quām arcto vinculo Ecclesia ille sux esset adstritus. Hac sunt verba Innocentij: *Non enim humana sed potius divina potestate conjugium spirituale dissolvitur cùm per translationem, depositionem, auctoritatem Romani Pontificis, quem constat esse Vicarium Iesu Christi, Episcopus ab Ecclesia removetur.* Et ideo tria haec que premissimus non tam constitutione canonica quam institutione divina soli sunt Romano Pontifici reservata.

**I X.** Ceterū jus illud in Gallia, aequāc in reliquis orbis Christiani provinciis, receptum erat, & versum in morem; ut adnotatum est in Glossa Pragmaticæ Sanctionis. *Episcoporum depositio*, inquit Guimerius, est Pape reservata. Si verò non agatur contra Episcopos ad depositionem, sed ad aliam pñnam arbitriarim vel determinatam, citra tamen depositiōnem, tunc Concilium provinciale erit iudex. Istud verò probari possit multis exemplis ex historia petitis, si res tanti esset.

#### C A P V T XXVII.

##### Synopsis.

**I.** Concordata novam judiciorum formam introduxerunt, qua ferme revocatum est videtur jus antiquum. Explicatur jus à Concordatis introduitum circa judicia causarum & appellations.

**II.** Ostenditur in quo simile sit id jus antiquum. Causa omnes olim commissæ erant unicuique provincia, nulla Pontificis Romani mentione. Primi omnium Nicolaus primus & Joannes octavus appellations Presbyterorum dejectorum admisserunt. quod

agerrime tulit Rex Carolus Calvus. Quid de Episcoporum causis statutum in Concilio Niceno & Saracens.

**III.** Jus illud observatum est usque ad initia tercia Regum nostrorum dynastie. Temperamentum inter jus antiquum & novum inveniuntur Concordata. Explicantur temperamenti illud.

**IV.** An causa Episcoporum reserventur Summo Pontifici in Concordatis, verbis illis generalibus, Majores causæ. Rejetta responsio inventa etate Caroli IX. Regis. Episcoporum causa non recententur inter majores.

**V.** At fortassis intelligenda sunt Concordata de colloquio immedio subjectus sit apostolice sedis, eam appellat. Refutatur obiectio illa.

**VI.** Ex Titulo De publicis concubinariis elicet videtur Episcoporum depositiones ipsi Summo Pontifici reservari. Explicantur hic locus in gratiam Episcoporum Gallicanorum.

**I.** **C**ONCORDATA inita inter Franciscam primum Regem Christianissimum & Leonem decimum Pontificem Romanum novam judiciorum formam introduxere, qua ferme revocatum esse videtur jus antiquum. Nam ante Pragmaticam Sanctionem prima omnium caularum cognitione Romæ ut plurimum habebatur in perniciem litigantium & jurisdictionis ecclesiasticæ, ac præterea in magnum regni detrimentum, ob immensam vim auri quæ ad contendendas lites in Italiam asportabatur; quemadmodum in Pragmatica disseritur in decreto *De Causis*. Hinc factum ut in Concordatis quoque inseritus sit Titulus *De Causis*: in quo jubetur ut omnes causæ, exceptis majoribus, agitantur, judicentur, & terminentur coram judicibus ordinariis locorum; in casu verò appellacionis, eam interponendam esse ad superiorē immediatum, & dein ad Curiam Romanam. Exemptos verò, qui Summum Pontificem appellaverint, judicandos esse in provinciis secundum delegationem Pontificis. Si verò à delegatis appelletur, missurum eo casu Pontificem nova mandata, quò terminari causa possit in provincia. Ab hac autem regula excipiuntur Cardinales & Officiales Summi Pontificis actu servientes; quorum causæ alibi tractari non posse edicuntur quām in Curia Romana.

**II.** Ea ratione revocatur quodam modo jus antiquum, ut dixi. Nam omnes causæ quæ ad disciplinam ecclesiasticam pertinent, definiri debent in provinciis, juxta canones Nicenos, Antiochenos, Saricenses, & Africanos. Causæ enim Presbyterorum ac laicorum unicuique provincie commissæ erant; neque primam earum cognitionem ad se trahebant Romani Pontifices, neque rursus ad eos appellabatur.